



Uunga Kultureqarnermet, Ilinniartitaanermet, Ilisimatusarnermet Ilageeqarnermullu  
Ataatsimiititaliaq

## UKA2025\_75 pillugu ataatsimiititaliap apequtaanut akissutit

Asasakka Kultureqarnermet, Ilinniartitaanermet, Ilisimatusarnermet Ilageeqarnermullu  
Ataatsimiititaliami ilaasortat.

Naalakkersuisut, ataatsimiititaliap malitseqartitsissutaasumik apequtaanik tigusaqarput,  
pineqarluni UKA2025-75: Naalakkersuisut Ilulissani GUX-imik tassungalu atatillugu  
ilinniartut inaannik kingusinnerpaamik ukioq 2027 naatinnagu pilersitsinissaannut  
peqquneqarnissaannik Inatsisartunut aalajangiiffigisassatut siunnersuut.

Tamatumunnga atatillugu Ataatsimiititaliap apeqqutai, apeqqutit allassimanerisa kingorna  
akineqartassapput, takukkit ataani allassimasut:

### 1. Avannaata Kommuniani ilinniartut akornanni uniinnartartut nunatsinni illoqarfinnut allanut sanilliullugu amerlanerunerannut suna pequtaava?

#### Akissut:

Sooq nunatsinni allanut sanilliullugu Avannaata Kommuniani ilinniartut maanaannaq  
unikulanerunersut immikkut misissoqqissaarneqarsimanngilaq.  
Ilinniarnertuunngorniarfinni aamma qitiusumik ilinniarnertuunngorniarfinni ilinniartunut  
siunnersortinik oqarasuaatikkut apersuisoqarsimanerani takutitsivoq ilinniartut maanaannaq  
unittartut angerlarserneq, ilaqqutanut maqaasineq, aammalu pissutsini ajornartorsiorfinni  
ilaqqutanut ikiuussinnaannginnertik pingaarnertut pissutaasartut.

#### a. Ilinniartut ilinniakkaminnik unitsitsiinnartartut amerlaneritut peqqutaqaatasunik ilinniarnertuunngorniarfinni pissutsinik peqarpa?

#### Akissut:

Naalakkersuisut unitsitsisarnermik annertunerusunik pilersitsisunik ilinniagaqarfinni  
pissutsinik annerusunik ilisimasaqanngillat. Taamaattorli GUX-imi rektorit  
oqaatigisimavaat, ataani allassimasut pissutaasinnaasut:

GUX-ip immikkoortuini unammilligassat annertunerpaat tassaapput, ilinniarnertuunngorniar  
annertunersaa danskisut ingerlanneqartarmat, tassami ilinniartitsisinnaasunik kalaallisut  
oqaasilinnik ilinniarsimasut kingornalu GUX nunatsinni atorfinitsinneqartartut  
naammanninneri pissutaammata. Tamatumaa kalaallit inuusuttut, pingaartumik  
kalaallisuinnaq oqaasillit ilinniarnertuunngorniarfinni aamma soraarummeernermi  
unammilligassaqaalersippai, tamannalu maanaannaq uninnissamut pissutaavoq.

27-03-2024  
Suliap normua 2026 - 5591  
All. nr. 26325130

Postboks 1029  
3900 Nuuk  
Oqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Peqatigisaanillu GUX nuntsinni rektorit pissutaaqataasutut oqaatigaat siornatigut naleqqiullugit inuusuttut ilinniarnissamut piareersimanginnerusut, misigisimallutillu inuusuttut inerisimangitsut angerlarsimaffitsik qimallugu najugaqarnissamut, namminnerlu ulluinnarminnik aqutsinissamut piareersimanatik.

## **2. Naalackersuisut allannguutissatut siunnersuutaat malillugu misissuititsiniarneq qanoq akeqassanersoq Naalackersuisut naatsorsuutigaat?**

### **Akissut:**

Aalajangiunneqarsimavoq misissuineq naalackersuisoqarfiup aningaasatigut sinaakkutissaasa nukissaqassusiatu iluini ingerlanneqassasoq. Taamaattumik tamanna tunngavigalugu ilimagineqarpoq aningaasartuutissat killeqassasut pingaarnertullu allaffissornerup iluani nukinnik atuisoqassasoq, naatsorsorneqarluni 500.000 kr. tikillugu atuisoqassasoq.

## **3. Naalackersuisut allannguutissatut siunnersuutaanni aamma allassimavoq inuussutissarsiutinut sammiveqartumik ilinniarfimmik ilinniarnertuunngorniarfimmik aamma inuussutissarsiutinut ataqatigiissitsilluni sammiveqartumik piginnaanngorsaaneramik ilinniaqqittarnissamillu pikkorissaaqqinnermik periarfissaasinnaasumik pilersitsisoqassasoq. Piginnaanngorsaaneramik ilinniaqqittarnissamik eqqarsaatigineqartoq aammalu Majoriaq, taakkua qanoq imminnut ataqatigiissinneqassappat?**

### **Akissut:**

Naalackersuisut allannguutissatut siunnersuutaata nassatarissavaa, inuussutissarsiutinut tunngasumik ilinniarfik aamma inuussutissanut atatillugu ilinniarnertuunngorniarfik imminnut atassutillit, aamma taassani piginnaanngorsaqqittoqarsinnaallunilu ilinniaqqittoqarsinnaassaaq.

Siunertaavoq sumiiffimmi piginnaasanik ineriartortitsinermik tapersersuinissaq, kiisalu Avannaata Kommuniata ilinniarfusinnaasunik aammalu pikkorissarfusinnaasunik ujaasenera ilalerniarlugu. Inuussutissarsiutinut tunngasumik ilinniarfik aamma inuussutissanut atatillugu ilinniarnertuunngorniarfik imminnut atassutillinnut atasumik piginnaanngorsaqqiinerup ilinniaqqittarnerullu ingerlanneqarnissaannut periarfissat suliffissaqartitsiniarnermut immikkoortortanut pioreersunut ilanngunneqassapput, tamatumunnga ilanngullugu Majoriaq.

### **a. Taakkua neqeroorutit marluk akornanni suut assigiissutaassappat assigiinngissutaassallutillu?**

### **Akissut:**

Majoriap aamma piginnaanngorsaqqiineri kiisalu ilinniartitseqqiineri suliassat ilinniarfimmut ataneranni siunertaavoq inuttaasut piginnaasaasa aamma ilinniarsimanerisa imaluunniit suliffissaqarniarnerisa pitsanngorsarneqarnissaat.

Assigiinngissutaat tassaavoq, Majoriaq suliffissaqartitsiniarnermut pituttorsimammat, pingaarnertullu sammillugit inuttaasut suliffissaqartitsiniarnerup avataaniittut, illuatungaatigullu ilinniagaqarfimmu attuumassuteqartut ilinniartitaanermut suleriutsimut pituttorsimallutik pingaarnertullu suliaralugit, ilinniagaqarfimmi ilinniakkatigut piginnaasat, ilinniartitaanermut aamma pikkorissaanermut suliaqarnermut atasut.

**4. Inuussutissarsiutinut sammiveqartumik ilinniartuunngorniarfiup aamma inuussutissarsiutinut sammiveqartumik ilinniarnertuunngorniarfiup Ilulissaniitinneqarnissaa soq Naalakkersuisunit pitsaanerpaajusutut isigineqarpa soorlu assersuutigalugu Sisimiuniinnagu, Nuummiinnagu, Qaqortumiinnagulu, naak taakkunani sinaakkutissat nukissallu qitiusumik atuarfinni ilinniarnertuunngorniarfinnilu pioreersumi atorneqarsinnaareeraluartut?**

**Akissut:**

Ilinniartitaanermut Naalakkersuisoqarfiup nunatsinni ilinniarnertuunngorniarfiit inuussutissarsiutinullu atuarfiit akornanni apersuinerani januar 2026-mi ingerlanneqartumi paasinarsisimavoq Avannaata Kommuniani ilinniartut akornanni atuarunnaartartut nuna tamakkerlugu agguaqatigiissitsinermiit amerlanerusut, apersuisoqarneranilu nalilerneqarpoq tamanna ilinniakkat assigiinngitsut akimorlugit 50 %-it missaanniissimassasoq. Atuartut Avannaata Kommunianeersut tunngaviatigut GUX Aasiannut tiguneqartarput, tassanilu misilittakkani takuneqarsinnaavoq atuartut taakkua akornanni atuarunnaartartut atuartunit allanit malunnartumik amerlanerusut.

Avannaata Kommuniani Majoriaq uparuaavoq taamatut atuarunnaartarnerujussuit najukkani ilinniarnissamut periarfissanik piumanerunernik kinguneqartartoq, aamma atuarunnaartartut taakkua ilaat Avannaata Kommuniani inuusuttunut ilinniagaqanngitsunut imaluunniit suliffeqanngitsunut ilaanerat uparuarneqarluni. Tamanna inuusuttut ilinniarnernannut suliffeqarnerannullu Naatsorsueqqissaartarfimmiit tabel 1-imi ilanngussa 2-mi aamma takuneqarsinnaavoq.

Najukkani ilinniarnissamut periarfissanik pisariaqartitsineq innuttaasut ilinniarnermi qaffasissutsimik anginerpaamik naammassisaqarsimasut pillugit Naatsorsueqqissaartarfimmi takussutissaq 5-imi ilanngussa 1-miittumi aamma takuneqarsinnaapput, tassani Avannaata Kommuniani ilinniarnikkut qaffasissuseq appasinnerpaajusoq takuneqarsinnaalluni. Avannaata Kommunian kommittuaavoq inuusuttunut ilinniarfeqarfeqanngikkaluarluni, akerlianilli kommunini inuusuttunut ilinniartoqarfiusuni aamma inuussutissarsiutinut ilinniarfeqarfiusuni piginnaasatigut qaffasissuseq Avannaata Kommuniani qaffasinnerujussuulluni.

Inuusuttunut ilinniartitaaneq meeqqat atuarfiata kingornagut ilinniarnernut pingaarnertigut immikkoortuuvoq, tamannalu pingaarnertigut ilinniarnernut ingerlaqqiffiusunut ilinniarnermut piginnaasanik tunniussiffiuvoq, akerlianilli inuussutissarsiutinut ilinniarneq ingerlaannaq fagit sulinissamik siunertallit iluini ilinniarnissamik ilinniarnermullu uppernarsaammik tunisiffiusussaallutik. Kommuni piffissami sivilisunerusumi najukkani ilinniarnissamut periarfissanik pisariaqartitsisoqarneranut Naalakkersuisoqarfimmut Naalakkersuisunullu uparuaasarsimavoq. Taamatut kissaateqartoqarnera piffissami kingullermi annertusiartulersimavoq, minnerunngitsumik nunat tamalaat mittarfissaata takkuttussap sanaartornissaa eqqarsaatigalugu, taannalu ukiamut ammartussaassaaq.

Mittarfiup atuuffiini tamani sulisussanik ilinniarsimasunik assut pisariaqartitsisoqartoq kommunip ilanngullugu paasissutissiissutigivaa, soorluttaaq takornarissat naatsorsuutigineqartut amerlinissaat pikkorissaanissanut, inuussutissarsiutigalugu ilinniarnernut aamma qaffassarnissamut ilinniaqqinnissamullu periarfissanut attuumassutilinnut isersinnaaneq maanna piumaneqalersimasoq. Kommuni tassunga tunngatillugu takornariaqarnerup, kiffartuussisarnerup kiisalu aalisarnerup iluini pisariaqartitsisoqarneranut uparuaavoq.

**5. Avannaata Kommunia pinnagu kommunini allani inuusuttut susaqanngitsut eqqarsaatigalugit kisitsisit qanoq isikkoqarpat?**

**Akissut:**

Naatsorsueqqissaartarfimmit inuusuttunut siunnerfigineqartunut kisitsisit kingullit nutaat, marts 2025-meersut ima isikkoqarpoq:

**Tabel 1. Andel i ungemålgruppen fordelt på bopæl som 12-årige; 2016-2023**

	2016	2017	2018	2019	2020	2021	2022	2023
Nanortalik	37	31	32	34	38	36	34	34
Qaqortoq	32	31	24	30	28	32	33	29
Narsaq	32	29	30	30	29	31	33	35
Paamiut	36	32	34	31	33	31	32	33
Nuuk	27	26	25	27	26	25	25	25
Maniitsoq	24	27	26	25	28	28	27	27
Sisimiut	28	31	30	27	29	27	29	25
Kangaatsiaq	33	38	38	31	35	34	32	37
Aasiaat	29	26	27	30	30	25	27	32
Qasigiannguit	26	25	26	23	24	25	25	27
Ilulissat	31	29	29	28	31	33	28	31
Qeqertarsuaq	30	19	18	23	27	36	23	28
Uummannaq	31	28	25	27	28	31	27	26
Upernavik	43	42	37	38	42	37	39	41
Qaanaaq	42	48	36	35	45	40	40	46
Tasiilaq	42	53	42	46	49	44	49	46
Ittoqqortoormiit	46	40	34	24	29	41	36	31
Udenfor Grønland	31	29	26	31	30	27	26	28
I gennemsnit*	31	31	29	30	31	31	30	31

Kilde: Grønlands Statistik - se tal i Statistikbanken (<http://bank.stat.gl/UDDUMG4>).

Note: Tal markeret med FED, er værdier der ligger over landsgennemsnittet.

\* Rettelse: Tallene blev rettet d. 11.03.2025.

**6. Inuusutissarsiutinut sammiveqartumik ilinniarfiup aamma inuusutissarsiutinut sammiveqartumik ilinniarnertuunngorniarfiup ataqatigiissinneqartussatut takorluukkap sumut atorineqarnissaa pillugu Naalakkarsuisunit erseqqissaassuteqarfigineqarsinnaava?**

**Akissut:**

Eqqarsaatigineqartutut Inuusutissarsiutinut tunngasumik ilinniarfik aamma inuusutissarsiornernut atatillugu ilinniarnertuunngorniarfik ataqatigiissoq, ilinniagaqarfittut inuusutissarsiornermik ilinniarnermik ingerlatsineramik aamma inuusutissarsiutitigut ilinniarnertuunngorniarfittut kiisalu piginnaasanik qaffassaasarfittut pikkorissartarfittullu ingerlanneqarnissaa eqqarsaatigineqarpoq. Siunertarineqarpoq, Avannaata Kommuniani ilinniagaqarnissamut appakaassinnaanissap nukittorsarneqarnissaa, aamma piginnaasanik ineriartortitsineq.

**a. Ilinniarfiup pilersinniarneqartup siunertaa sunaava?**

**Akissut:**

Taamatut ilinniagaqarfimmik pilersitsinermi siunertaavoq, inuussutissarsiornermut ilinniakkat, inuussutissarsiornermi fagitigut ilinniarnertuunngorniarneq kiisalu ilinniagaqaaqqinnissaq siunertaralugu aamma suliffissaqalernissaq siunertaralugu piginnaasanik qaffassaasarneq. Ilinniagaqarfissap aqqqissugaanera ersarinnerusoq suullu siunertarinerai pillugit, misissuinissamik Naalakkersuisut ingerlatsinissamik kissaatigisaanni ilanngunneqassapput.

**b. Inuussutissarsiutinut sammiveqartumik sammiveqartumik ilinniarfiup ilinniarnertuunngorniarniarfiup aamma inuussutissarsiutinut ataqatigiissinneqartussa q naammassisimagaanni ilinniartut ilinniaqqinnissaminnut ingerlariaqqinnissamut suut periarfissarissaneraat pillugit Naalakkersuisut nassuiaateqarsinnaappat?**

**Akissut:**

Ilusissaq eqqortoq suli aalajangiunneqarsimanngimmat, Naalakkersuisut nassuiaatigisaannaangilaat, ilinniagaqareernermi ilinniarnermi aqqutissat suussanersut. Taamaattorli siunertaavoq, ilinniagaqarfiit arlallit siunnerfigineqarnissaat inuussutissarsiutinut aamma ilinniarnertuunngorniarnermi faginut sammisut akuleriisillugit peqataatinneqarnissaat. Taakkua ataatsimut piginnaasanik tunniussissapput, ilinniagaqaaqqinnissamut tunngavissiissallutik, tamatumunnga ilanngullugit inuussutissarsiornermi piginnaasatigut ilinniaqqinnerit aamma ingerlaqqiffiusumik ilinniakkat kiisalu suliffeqalersinnaanermut piginnaasanik. Ilinniagaqarfissap aqqqissugaanera ersarinnerusoq suullu siunertarinerai, misissuinissamik Naalakkersuisut ingerlatsinissaannik kissaatigisaanni ilanngunneqassapput.

**7. Avannaata Kommunian pinnagu kommunini allani ilinniagaqarnissamut, ilinniaqqinnissamut piginnaanngorsaanissamullu pisariaqartitsineq qanoq inissimava?**

**Akissut:**

Avannaata kommuniani aamma Qeqqata kommuniani Ilinniagaqarnissamut, ilinniaqqinnissamut kiisalu piginnaasanik qaffasaanissamut periarfissat pillugit misissuisoqarsimanngilaq. <sup>1</sup>

**8. Pissutsit suut pequtaallutik qitiusumik ilinniarfiit pikkorissaanernik isumaginnissinnaanngillat Avannaata Kommuniani nammassinnaanissaannut?**

**Akissut:**

Qitiusumik ilinniarfinni pikkorissaanerit ilinniartitsisunik aalajangersimasunik ingerlanneqartarput. Taamaattumik qitiusumik ilinniarfiit pikkorissaanermik ilinniagaqarnissamullu sulianik aamma kommunini tamani sumiiffik qimannagu pikkorissaanermik neqerooruteqareerput. Nunap pissusaanik ungasissuseqarnerup, angalanermi aningaasartuutit kiisalu angerlarsimaffiup avataani uninngasariaqarnerup Avannaata Kommuniani inuttaasut suliffeqarfiillu peqataanissaannut

killilersorinnaasarpai. Taamaattumik piffinni pikkorissaasarnernut aamma ilinniaqqiffiusinnaasunik suliaqarnerannut inuttaasunut suliffeqarfinnullu peqataanissamut oqilisaassissagaluarput.

**9. Kalaallit Nunaanni ilinniarnissamut nassuiaateqarsinnaappat, tassunga pikkorissaasoqarnissaanik atugassarititaasut ilanngullugu pillugit illoqarfigisaq piumanninnerit Naalackersuisut qimallugu aallartariaqalertarneq?**

**Akissut:**

Kalaallit Nunaanni ilinniartitseriaaseq nunami sumiissutsini tunngaveqarpoq, illoqarfinni ilinniagaqarfiusuni arlalinni ilinniarsiit katersorsimallutik. Tamanna ima isumaqarpoq, inuusuttut, inuusuttut ilinniarsiini, inussutissarsiornermut ilinniarsiini kiisalu ingerlaqqiffiusumik ilinniarsiini ilinniassagunik illoqarfik nunaqarfilluunniit najugaqarfisik qimallugu aallartariaqartarlutik. Inuusuttut ilaannut ima kinguneqartarpoq, kollegiani najugaqartariaqarlutik kiisalu inuuniarnermi sumiiffinnilu inooriaatsimut sungiusartariaqarlutik. Nunap pissusaa pissutaalluni ungasissuseq aamma angerlarsimaffik qimallugu nuuttariaqarneq ilinniakkamut isersinnaanermut aamma naammassineqarnissaanut apequtaasarpur.

**a. Inuusuttut illoqarfigisartik qimallugu ilinniariarlutik aallartarnerannut suut pitsaqaqtaasut Naalackersuisunit isigineqarpat?**

**Akissut:**

Ilinniakkamik ingerlatsinissaq siunertarlugu angerlarsimaffik qimallugu aallarner inuusuttunut piginnaasatigut, inuttut avatangiisinut, nammineersinnaalernermit misilittagaqalernissamut, kiisalu inuttut aamma piginnaasatigut ineriartornissamut periarfissiisuvoq.

**b. Inuusuttut illoqarfigisartik qimallugu ilinniariarlutik aallartarnerannut suut ajoqutaasut Naalackersuisunit isigineqarpat?**

**Akissut:**

Inuusuttut ilaannut unamminarsinnaasarpog ukiukilluni nuunnissaq ilaqtannut ungasinneq, inuttut attaveqaatit kiisalu avatangiisut ilisimalluakkat, inuunerluuteqalernissamut maanaannarlu unitsitsiinnarneq ajoqutaasinnaapput. Tamatuma saniatigut ulluinnarni pissutsit, soorlu inissaqarneq, aningaasaqarneq aamma avatangiisinut nutaanut sungiussiniarneq ilinniartut ilaannut oqimaassinnaasarpur.

**10. Kalaallit Nunaat tamakkerlugu ilinniartitaanermut sammivilimmik pisariaqartitat pillugit ataatsimoorussamik misissuisoqarnissaanik pisariaqartitsineq qanoq Naalackersuisunit nalilerneqarpa?**

**Akissut:**

Naalackersuisut piffissami matumani nalilersorpaat, ilinniartitaanermut immikkoortumi pingaarnersiuinissami ineriartortitsinissamilu ataavartumik aamma siunnerfilimmik misissuinerup sapinngisamik annertunerpaamik pissarsissutaasinnaanera, ilaatigut nuna akimorlugu pisariaqartitsinerit nikerarsinnaasarmata, piffissallu ingerlanerani allanngorsinnaasarlutik.

Peqatigisaanillu Naalackersuisut nalilersorpaat, ilinniartitaanermi ilisimasanik tunngavissanut paasissutissat nukittorsarneqassanersut, tamatumunnga ilanngullugu suliffissaqartitsiniarnermi pisariaqartitat.

Ataatsimoorussamik nuna tamakkerlugu misissuineq killilimmik naleqartussatut nalilerneqarpoq, peqatigisaanillu annertussalluni naammassiniarneranilu nukippassuarnik atuisussaalluni. Taamaattumik ilinniartitaanermut tunngasumik misissuineri naatsorsuutigineqartariaqassaaq aningaasanut inatsisitigut pisariaqartumik aningaasaliissuteqartoqarnissaa.

Naalackersuisut tamatuma saniatigut kaammattuutigissavaat suliffeqarnermut periusissiami 2026-2035-mi qanittukku akuerineqaaqqammersumi kaammattuutigineqartut taarsiullugu malinneqassasut, tassani piffissaq qanittoq, akunnattoq ungasinnerusorlu eqqarsaatigalugit suliassaqaqfinni ataasiakkaani pisariaqartitat akuttunngitsumik misissorneqartarnissaat siunniunneqarsimammat. Minnerusumik misissuinerit tamakkua suliffissaqartitsiniarneq eqqarsaatigalugu suliassaqaqfinni inuiaqatigiinni pingaaruteqarluinnartuni eqqortumik aningaasartuutaavallaanngitsumillu iliuseqartarnissamut tunngavissaqalissaaq.

## **11. Inuusuttut susaqanngitsut pillugit iliuusissat, suliniutit aallartinneqarnikut siunissamilu pilersaarutit pillugit Naalackersuisut ataatsimiititaliamut pasissutissiisnaappat?**

### **Akissut:**

Inuusuttunut susaqanngitsunut Naalackersuisut suliniutinik aamma iliuusissanik arlalinnik aallartitaqarput. Matumani ilaatigut makku eqqaaneqarsinnaapput:

- Ussasaarut "ATORFISSAQARTIPPATIGIT" inuusuttut siunnerfigineqartunut nipilersorneq aamma ataatsimut misigisaqarneq atorlugit oqalutsinniarlugit, nuna tamakkerlugu immikkut siunnerfittut eqimattanut taakkununnga tunngavoq. Misigisat taakku ussasaaraluni takoqqusaarutinik kinguneqartinneqassapput, ilaatigut ukkatarineqassalluni inuussutissarsiornermi immikkoortorpassuit, ilinniartunik/sulineriut sungiusartunik amigaatillit, ilaatigullu inuusuttut ilinniagaqarfinnut qinnuteqarnissaannik kajumissaarisooqassalluni. Ussasaarinerit ukiuni tulliuttuni qinnuteqarfissanut killissaritit saqqummertillugit atuarfiillu aallartilertillugit ingerlaannassapput. Tamatuma kingorna ussasaarineq taanna podcastitit ingerlaannassaaq, ukkatarineqassallutik inuusuttut namminneq oqaluttuaat, siornatigut eqimattani tassaniissimanertik pillugu maligassiuinissamut ilusilersuissallutik, kiisalu periarfissaqassalluni inuusuttut siunnersorneqarfissaat aamma ikiorseqarfissaat pillugit tikkuussinissamut.
- Suliniut "Include" Fonden for entreprenørskab suleqatigalugu suliarineqassaaq, siunertarineqarluni meeqqat sumiginnarneqarnissamut ulorianartorsortut nukittorsarneqarnissaat, aamma kalaallit nunaanni meeqqat atuarfii suleqatigalugit inuusuttut kalaallit nunaanni atugarisaat ilinniarsinnaanerallu nutaaliorneq, suliassanillu tiguisinnaanerit sammeneqarlutik. Isumassarsiorsinnaaneq assassorlunilu ingerlanerit aqutugalugit peqataasut isumassarsianik ineriartortitsinermik, ajornartorsiutinik aqqiisinnaanermik suliaqassapput namminneq ulluinnarfik piffinnilu inooqataanertik aqutugalugu. Suliniut marloriarlugu misilinneqarsimavoq maannakkullu illoqarfippassuarni

inuusuttunut sunngitsunut pingaartumik ingerlallugu suliarineqarpoq, tassami misiliinerni marlunni taakkunani takutinneqarmat, pineqartut atuarfimmik naammassinnissinnaanerat ilinniareernerullu kingorna sulinissamut kajumissuseqarnerat annertuumik qaffassimammat.

- Tunngaviusumik ilinniagaq: Ilinniartitsinermit periusissiaq 2024 – 2030-mi takuneqarsinnaavoq 2030 tikitsinnagu inuussuttunut amerlasuunut 10 kl-mi soraarummeerlutik atuarfimmik qimatsisunut siunissamilu sussallutik nalornisunut neqeroorutitik ineriartortitsisoqassasoq, tunngaviusumillu ilinniartitsinermit aallartitsisoqarluni. Tunngaviusumik ingerlatsinerup inuussuttut siunissami suliffissaannik/ilinniartitsisaannik ikiussavaat, taamaattumillu inuussutissarsiutinut ilinniartitsisaannik, ilinniarnertuunngorniarfiit, aamma inuussutissarsiortut suleqatigalugit ilusilersorneqassalluni. Meeqqanut, Inuussuttunut, Ilaqutariinnut, Nunamut Namminermit, Ilinniartitaanermit, Kultureqarnermit, Timersornermit Ilageeqarnermullu Naalackersuisoqarfik suliamik ingerlatsivoq.
- Meeqqat atuarfiani inatsisip allanngortinneqarnissaanut siunnersuut, ilaatigut inuussutissarsiortnermit klassimik pilersitsinissamut periarfissiivoq, siunnerfigineqarmata atuartut meeqqat atuarfiani ileqquusumik atuartitaanermit allaanerumik ilinniartinneqarnissaminnut pisariaqartitsisut. Tassani ilaatigut pineqarput suliamik ilinniartitsisaannik atuartitsisaannik atorneqarneri atuartitsinermit assigiinngisitaanerumik allanngorarterumillu periarfissiisut, atuagarsorluni issialluni atuartitsinermit taartaasinnaasoq. Taamatut aqqiinermit atuartut ileqquusumik atuartitsisaannik ingerlatsinissamut pisinnaangitsut kajumissuseqarnerat qaffassarneqarsinnaavoq, kiisalu inuussuttut ilinniartitsisaannik isernissamut periarfissaannik qaffasaassalluni, taamaaliornikkullu inuussuttut siunnerfigineqartut amerliartornerat killilersorneqarsinnaalluni.

Inussiarnersumik inuulluaqqusillunga

Nivi Olsen


## Inuusuttut ilinniarnerat suliffeqarnerallu

### 2023-mi inuusuttut ilinniarnerat suliffeqarnerallu

2023-ip naanerani Kalaallit Nunaanni inuusuttut 16-it 25-llu akornanni ukiullit 5.088-it imaluunniit 69 pct.-ii ilinniarnernat suliffeqarfinnulluunniit atassuteqarput. Taakkunannga 28 pct.-it ilinniakkamik, efterskoleni, tunngaviusumik qaffasinnerniluunniit ingerlatsipput, 42 pct.-iilu suliffeqarlutik.

2023-mi inuusuttut ilinniakkamik ingerlatsinngitsut suliffeqanngitsulluunniit 31 pct.-inik annertussuseqarput. 2016-imiilli annertussusaa nikissimanngilaq. Piffissamilu pineqartumi inuusuttut suliffillit 3 procentpointinik qaffassimavoq, ilinniakkamik ingerlatsisut 2 procentpointinik apparsimavoq.

### Titartagaq 1. Inuusuttut 16-it 25-llu akornanni ukiullit nalunaarsorsimanerat malillugu, 2016-2023



*Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG3>).*

*Nalunaarut: Tabelimi inuusuttut Kalaallit Nunaata avataani efterskolertut ilinniakkamillu ingerlatsisut ilanngunneqarput.*


### Inuusuttut sullinniakkat

Saqqummersitamani matumani Kalaallit Nunaanni inuusuttut suliffeqarnerat ilinniarnernallu sammeneqarpoq. Inuusuttut ilinniakkamik ingerlatsinngitsut imaluunniit suliffeqanngitsut inuusuttunik sullinniakkanik taaneqarput.

Inuusuttuni sullinniakkani pineqarput inuusuttut suliffeqanngitsut aammalu suliffissarsiortutut nalunaarsorsimannngitsut. Periaatsimut immikkoortumi nassuiaat malillugu inuusuttut ilinniakkamik ingerlatsisutut nalunaarsorsimasut, Ilinniagaqarnersiuteqartitsivimmili nalunaarsorsimannngitsut, inuusuttunut sullinniakkanut ilanngunneqarput.

2023-mi innuttaasut akornanni inuusuttut 7.323-it ataani takutinneqarput. Inuusuttut ilinniakkamik ingerlatsisut saniatigullu suliffillit ilinniakkamik ingerlatsisutuinnaq nalunaarsorneqarput. Ilinniakkamillu ingerlatsisut efterskolernermut, inuusuttunut ilinniarfinnut ingerlariaqqiffiusumillu ilinniarnermut immikkoortiterneqarput.

**Titartagaq 2. 2023-mi inuusuttunut 16-it 25-llu akornanni ukiulinnut nalunaarsuutit**



*Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG3>).*


**Inuusuttuni sullinniakkani inuusuttuaqqat amerlanerusut**

2023-mi ilinniakkamik ingerlatsisut annertussusaat ukioqqortusiartorneq malillugu appariarput. 16-iniit 18-inut ukiullit 41 pct.-ii ilinniartuusut 25-nik ukiullit 24 pct.-ii ilinniartuupput.

Suliffillit annertussusaat ukioqqortusiartorneq malillugu qaffalaarsimapput. 16-iniit 18-inut ukiullit akornanni 19 pct.-it suliffeqarput, 25-nilli ukiullit 55 pct.-ii suliffeqarlutik.

Inuusuttunilu sullinniakkani pineqartut annertussusaat ukioqqortusiartorneq malillugu aamma appariarput. 2023-ip naanerani 16-iniit 18-inut ukiullit akornanni 40 pct.-it suliffeqaratillu ilinniakkamik ingerlatsinnngillat, 25-llu ukiullit akornanni 21 pct.-iullutik.

**Titartagaq 3. 2023-mi inuusuttut 16-it 25-llu akornanni ukiullit, ukiut nalunaarsugaanerlu malillugit**




*Najoqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG3>).*

### **Inuusuttunut ilinniarfimmi ilinniarsimasut annertussusaat**

2023-mi inuusuttut 16-it 25-llu akornanni ukiullit 42 pct.-ii ilinniakkamik ingerlatsipput imaluunniit inuusuttunut ilinniarfimmik naammassinnissimallutik.

#### Titartagaq 4. Inuusuttut 16-it 25-llu akornanni ukiullit inuusuttunut ilinniarfimmik naammassinnissimasut ingerlatsisulluunniit annertussusaat, 2016-2023



*Najoqquataq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG3>).*

*Nalunaarut: Ilinniakkamik ingerlatsisuni ilinniartut siornatigit inuusuttunut ilinniarfimmik naammassinnissimanngitsut kisimik pineqarput.*

#### Inuusuttut sullinniakkat 12-inik ukioqarnermi najugarisaat

Nuna tamakkerlugu agguaqatigiissitsinermut 32 pct.-iusumut naleqqiullugu Upernavimmi Qaanaamilu inuusuttut 40 pct.-init annertunerusut inuusuttuni sullinniakkani nalunaarsorsimapput. Upernavimmi inuusuttut sullinniakkat 2018-imi 37 pct.-iniit 2023-mi 41 pct.-inut qaffassimapput.

**Tabel 1. Inuusuttut sullinniakkat agguaqatigiissinneri, 12-inik ukioqarnermi najugarisaat malillugit; 2016-2023**

	2016	2017	2018	2019	2020	2021	2022	2023
Nanortalik	37	31	32	34	38	36	34	34
Qaqortoq	32	31	24	30	28	32	33	29
Narsaq	32	29	30	30	29	31	33	35
Paamiut	36	32	34	31	33	31	32	33
Nuuk	27	26	25	27	26	25	25	25
Maniitsoq	24	27	26	25	28	28	27	27
Sisimiut	28	31	30	27	29	27	29	25
Kangaatsiaq	33	38	38	31	35	34	32	37
Aasiaat	29	26	27	30	30	25	27	32
Qasigiannnguit	26	25	26	23	24	25	25	27
Ilulissat	31	29	29	28	31	33	28	31
Qeqertarsuaq	30	19	18	23	27	36	23	28
Uummannaq	31	28	25	27	28	31	27	26
Upernavik	43	42	37	38	42	37	39	41
Qaanaaq	42	48	36	35	45	40	40	46
Tasiilaq	42	53	42	46	49	44	49	46
Ittoqqortoormiit	46	40	34	24	29	41	36	31
Kalaallit Nunaata avataani	31	29	26	31	30	27	26	28
Agguaqatigiissillugu*	31	31	29	30	31	31	30	31

*Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG4>).*

*Nalunaarut: Kisitsisit ersarinnerusunik nalunaaqutsersimasut tassaapput nuna tamakkerlugu agguaqatigiissitsinnermiit qaffasinnerusut.*

\* Iluarsisat: 11. marsi 2025.

## Eqikkaaneq

**Tabel 2. Inuusuttut 16-it 25-llu akornanni ukiullit nalunaarsugaanerat malillugit, 2018-2023**

	2016	2017	2018	2019	2020	2021	2022	2023
Efterskoli	355	352	357	280	237	229	290	266
Ilinniarnertuunngorniarneq	1.092	1.038	1.005	954	1.018	1.015	1.003	948
Inuusutissarsiormik ilinniarneq	586	578	554	521	546	474	470	440
Ingerlariaqqiffiusumik ilinniarneq	479	414	420	397	404	397	403	386
Suliffeqarneq	3.282	3.309	3.434	3.394	3.156	3.218	3.100	3.048
Ilinniannngitsut imaluunniit suliffeqannngitsut	2.643	2.598	2.386	2.376	2.449	2.343	2.292	2.235
Katillugit	8.437	8.289	8.156	7.922	7.810	7.676	7.558	7.323

*Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG3>).*

**Tabel 3. Inuusuttut 16-it 25-llu akornanni ukiullit ukiui nalunaarsugaanerilu malillugit, 2023**

	16-inik ukiullit	17-inik ukiullit	18-inik ukiullit	19-inik ukiullit	20-nik ukiullit	21-nik ukiullit	22-nik ukiullit	23-nik ukiullit	24-nik ukiullit	25-nik ukiullit
Efterskoli	210	54	2	–	–	–	–	–	–	–
Ilinniarnertuunngorniarneq	91	221	224	170	83	54	28	30	27	20
Inuusutissarsiornermik ilinniarneq	9	29	46	48	41	39	64	44	51	69
Ingerlariaqqiffiusumik ilinniarneq	–	–	–	11	18	45	66	76	71	99
Suliffeqarneq	86	114	212	296	338	403	376	362	424	437
Ilinniannngitsut imaluunniit suliffeqannngitsut	310	293	265	206	221	216	206	174	181	163
Katillugit	706	711	749	731	701	757	740	686	754	788

*Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG3>).*

**Tabel 4. Inuusuttut sullinniakkat Majoriami ingerlatsisut**

	2016	2017	2018	2019	2020	2021	2022	2023
Majoriami ingerlatsisut	595	543	547	495	503	421	422	441
Majoriami ingerlatsinnngitsut	2.068	2.068	1.857	1.897	1.956	1.933	1.886	1.804
Inuusuttut sullinniakkat katillugit	2.663	2.611	2.404	2.392	2.459	2.354	2.308	2.245

*Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNUMG6>).*

*Nalunaarut: Majoriami ingerlatsisut ilinniagaqarnerisiutillit nalunaarsuutaannit naatsorsuutit. Atuartut ilinniagaqarnerisiuteqannngitsut ilanngunneqannngillat.*

## **Periaaseq**

Saqqummersitami matumani inuusuttut suliffeqarnerat ilinniarneralu sammineqarpoq.

## **Nalunaarsuutit tunngaviusut**

Kisitsisitigut paasissutissani suliarineqartuni matumani nalunaarsuiffiit atorineqartut tassaapput:

- Naatsorsueqqissaartarfiup innuttaasunut nalunaarsuiffia (1. januaari aallarnertigalugu).
- Ilinniartitaanermut Naalakkersuisoqarfiup aammalu Oqaatsinik Pikkorissarfiup Kalaallit Nunaanni Qallunaat Nunaannilu efterskolini atuartunik nalunaarsuiffii.
- Ilinniagaqarnersiuteqartitsiviup (USF-ip) nalunaarsuiffia.
- Naatsorsueqqissaartarfiup suliffilinnut nalunaarsuiffia (novembarimi naatsorsukkat).
- Naatsorsueqqissaartarfiup ilinniakkanut naammassineqarsimasunut qaffasinnerpaanut nalunaarsuiffia.
- Namminersorlutik Oqartussat kommunillu pisortani ataatsimut akissarsialeriffiat.

## **Periaaseq**

Qulaani paasissutissanik ataatsimoortitsinermi innuttaasunut ataasiakkaanut kisitsisitigut paasissutissanut nalunaarsuiffimmik pilersitsisoqarpoq, ukiup naalernerani paasissutissanik ataani pineqartunik imaqtartumik:

- Ukiut aamma suaassuseq.
- Najugaq aammalu pineqartup ukiumi 12-inik ukioqalerfiani ukiup naalernerani najugarisaa.
- Ilinniakkamik ingerlatsineq imaluunniit suliffeqarneq.
- Ilinniagaq naammassineqarsimasoq qaffasinnerpaaq.

### *Misissukkat amerlassusaat*

Ukiumi kisitsiviusumi naatsorsuutini pineqarput ukiup naalernerani 16-it 25-illu akornanni ukiullit aammalu tunngavilersuutinik ataani taaneqartunik naammassinnissimasut:

Ukiup aallartinnerani naalerneranilu Kalaallit Nunaanni inunnik nalunaarsuiffimmi (najugaqavissutut) allassimaneq.

Ukiup naalernerani Kalaallit Nunaanni inunnut nalunaarsuiffimmi nalunaarsorsimaneq aammalu ukiup kisitsiviusup ingerlanerani Kalaallit Nunaata avataani efterskolimik ilinniakkamilluunniit ingerlatsisimalluni naammassinnissimaneq imaluunniit unitsitsisimaneq.

Ukiup naalernerani Kalaallit Nunaanni inunnut nalunaarsuiffimmi nalunaarsorsimanninneq kisiannili ukiumi kisitsiviusumi qaammat decembarimi Kalaallit Nunaanni imaluunniit Kalaallit Nunaata avataani efterskolimik ilinniakkamilluunniit meeqqat atuarfiannit qaffasinnerusumik ingerlataqartutut nalunaarsorsimaneq.

## *Najugaq*

Najukkanut paasissutissani inunnik nalunaarsuisarfimmi najugaq aallaavigineqarpoq. Ilinniartinnit Kalaallit Nunaanniittuni nalunaarsorsimasut inunnullu nalunaarsuisarfimmi nalunaarsorsimannngitsut ukiup kisitsiviusup tulliani najugaat atorineqarput. Aammattaaq ukiumi qaangiuttumi qaninnermi najugaq nalunaarsorneqarsimasoq atorineqarpoq. Ilinniakkamik ingerlatsisut ataasiakkaat Naatsorsueqqissaartarfiup inunnut nalunaarsuisarfiani allassimannngillat, taakkununga ilinniartarfiup adressia atorineqarpoq.

Nunani allani ilinniartinnit nalunaarsorsimasut nunami allami najugaqartutut taaneqarput, Kalaallit Nunaanni innuttaasunut nalunaarsuisarfimmi nalunaarsorsimanerat apeqqutaatinnagu.

Ukiuni pineqartuni najugarisap atuutsinneqartup saniatigut aammalu ukiumi 12-inik ukioqalerfiup naanerani najugarisimasoq nalunaarsorneqarpoq. 12-inik ukioqarlutik inuit nalunaarsuiffianni nalunaarsorneqarsimannngitsut Kalaallit Nunaata avataani najugaqartutut nalunaarsorneqarput.

Ivittuuni najugallit Nuummi najugalittut nalunaarsorneqarput.

## *Ilinniarnermut suliffeqarnermulluunniit killiffiit*

Inuusuttut ukiumi kisitsiviusumi qaammat decembarimi ilinniakkamik ingerlatsisutut suliffeqartutulluunniit (novembarimi) imaluunniit ilinniakkamik ingerlatsinngitsutut suliffeqanngitsutullu nalunaarsorneqarput. Nalunaarsuinerillu pingaarnersiorneqarput, ilinniakkamik ingerlatsisoq suliffeqartorlu taamaallaat ilinniakkamik ingerlatsisutut naatsorsorneqarpoq.

Efterskolinik ilinniakkanillu ingerlatsisut tassaapput Naatsorseqqissaartarfiup ilinniartitaanermut nalunaarsuiffiani nalunaarsorsimasut. Efterskolernerit eqqaassannngikkaanni ingerlatsinerit inuusuttunut qaffassarluni ilinniartinninngaanniit qummullu qaffasissusillit taamaallaat nalunaarsorneqarput (ISCED-ni qaffasissuseq 3 qummullu).

Inuusuttut ilinniakkanik ingerlatsinatillu suliffeqanngitsut inuusuttunik sullinniakkanik taaneqarput. Inuusuttut sullinniakkat tassaapput inuusuttut suliffeqanngitsut aammalu inuusuttut suliffissarsuunngitsut. Inuusuttunut sullinniakkanut ilaasinnaapput 16-inik ukioqalereersimallutik meeqqat atuarfiannik naammassinnissimasut aammalu piginnaanngorsarluni ilinniarnernik ingerlatsisut, assersuutigalugu Majoriami (ISCED-ni qaffasissuseq 2). Taamatuttaaq inuusuttuni sullinniakkani ilaasinnaapput ilinniakkanik ingerlatsisut kisiannili Ilinniagaqarnersiuteqartitsivimmi nalunaarsorneqarsimannngitsut.

Inuusuttut sullinniakkat Majoriami akuerisaasimasut annertussusaat immikkut kisitsisigut paasissutissarineqarput. Tassani ilinniagaqarnersiutillit, assersuutigalugu Majoriami FA-mik ukiumik ataatsimik sivissuseqartumi atuartut ilinniagaqarnersiuteqarsinnaatitaasullu nalunaarsuutaat tunngavigineqarput. Atuartullu qaammat decembarimi ilinniagaqarnersiutillit nalunaarsorsimannngitsut ilanngunneqannngillat.

## *Ilinniagaq naammassisimasaq qaffasinnerpaaq*

Inuusuttunut misissukkani ilaasunut tamanut ukiup kisitsiviusup pineqartup naanerani ilinniagaq naammassisimasaq qaffasinnerpaaq nalunaarsorneqarpoq. Piginnaanngorsarluni ilinniartarfiit saniatigut

ilinniarnertuunngorniarfiit ilinniakkanut naammassineqarsimasunut ilaatinneqarput.

Pineqartut ilinniakkanut naammassisimasanut qaffasinnerpaanut atassuserneqarput, aammalu ilinniarnertuunngorniarfinnut, inuussutissarsiornermik ilinniarkinut, ingerlariaqqiffiusumik ilinniarkinut ilinniagaqarsimanngitsunulluunniit agguataarneqarlutik. Ilinniartitaanermut Naalakkersuisoqarfimmik isumaqatigiissuteqarneq malillugu angusanik qaffassaalluni pikkorissarnerit ilinniakkatut qaffasinnerpaatut naammassineqarsimasut ilinniarnertuunngorniarfiit ataannut inissinneqarput. Angusanik qaffassaalluni pikkorissarnerit ISCED2011-mi qaffasissuseq 4-rimi inissisimapput, tigusaanissamullu piumasaqaataavoq ilinniarnertuunngorniarfimmik naammassinnissimanissaq.

Naatsorsueqqissaartarfiup ilinniakkanut qaffasinnerpaanut nalunaarsuisarfia Kalaallit Nunaanni najugaqartunik taamaallaat imaqarpoq. Taamaattumik misissukkat qaffasinnerpaamik ilinniagarisimasaannut, Naatsorsueqqissaartarfiup inunnik nalunaarsuisarfiani piffissami pineqartumi qaninnermi, nalunaarsugaasimanerit atorineqarput. Kalaallit Nunaatalu avataani piffissami sivisuumi ilinniakkamik ingerlataqarsimasut kisitsisitigut paasissutissani matumani saqqummiunneqartunit ilinniagaat qaffasinnerusinnaapput.

### **Nalunaarsuutinit siullernit allannguutit**

Ilinniagaqarnersiuteqartitsiviup nalunaarsuisarfia nalunaarsuisarfiuvoq ataavartumik, aammattaaq ukiumi siuliini naqiteriikkanik, naqqiinernik ingerlatsiviusoq. Kisitsisitigut paasissutissani matumani nalunaarsuutit najoqqutarineqartut allanngorput, Naatsorsueqqissaartarfiup saqqummersitaanut kingullernut ilinniakkanut qaffasinnerpaanut naammassineqarsimasunut ingerlanneqartunullu najoqqutarineqartut paasissutissat assigiit atuutsinneqalerlutik.

2016 sioqqullugu nalunaarsuutit ilinniartitaanerup ataani toqqorsivimmi nassaarineqarsinnaapput.

---

Ilisarnaatinut nassuiaatit:

... Paasissutissat pigineqanngillat  
.. Paasissutissat tatiginanngitsut ilisarinnilersitsinnaasulluunniit  
. Kisitsisitaqarsinnaanngitsut  
0 Affaanit mikinerusut  
- Nul  
\* Kisitsisaagallartut imaluunniit missingersuut

Saaffiginiffissaq  
Samo Nielsen  
snie@stat.gl

Ilinniartitaaneq

Naatsorsueqqissaartarfik  
Postboks 1025 · 3900 Nuuk  
Tlf.: +299 34 57 70  
www.stat.gl · e-mail: stat@stat.gl

